

杭州故事  
掌丛书

# 说杭州



杭州掌故丛书 钟毓龙著

# 说杭州

浙江人民出版社

责任编辑 潘一平

说 杭 州

钟毓龙著

---

浙江人民出版社出版  
(杭州武林路196号)

浙江新华印刷厂印刷  
(杭州环城北路天水桥堍)

浙江省新华书店发行

开本850×1168 1/32 印张15.125 插页2 字数319,000 印数00,001—10,200

1983年7月第1版 1983年7月第1次印刷

---

统一书号：11103·77 定价：1.44 元

## 自叙

桑梓之邦，钓游之地，习而安之，在平日亦不觉有何可恋也。一旦去国远徙，怀归不得，乡思乃油然而生。此亦人情欤。余，杭人也，元末迄今，历代丘垄皆在焉，信土著矣。亦尝登钟山，游燕都，校文于苏台，课士于携李；少或旬日，多或半年，未尝动怀土之念者，以来去殊自由也。丁丑冬，日寇逼，挈家走寿昌；次年复走永嘉，遂入雁荡，栖迟者三年。雁荡山水奇天下，托足其间，非不惬意娱目。然时时引领北望，寇氛日益炽，归期遥遥，辄中心如瘳。王粲所谓四望山川，洵美非吾土，有同慨焉。无以自聊，则回忆梓里见闻，信笔书之，以寄其思。顾行篋无书，未能详确。乙酉冬，得入凤山门，欣欣如更生。次年就职省通志馆，始有意于地志之记述。顾省之范围大，未暇肆力于一隅。己丑春，志馆以费绌罢。杜门息影，复取前在雁山时所书者阅之，觉杭州之地，幅员较小，或易为力，则思荟萃所见所闻而成一书，不敢曰志，说而已矣。志有体裁，说则多寡详略可不拘也。乡先辈施朝干氏有《约略说》之作，其书余未之见，不知所说者如何。然既曰约略，则所涉或不甚广。而余则贪多务博，细大不捐，枝蔓芜杂，自知不免。然它日有辑杭志者，披览及之，谓沙砾之中尚有金焉，则余之幸矣。甲午清和月钟毓龙时年七十有五。

## 凡 例

一 杭州范围，有大有小。大者兼旧府属各县而言，小者专指城市。兹编所说，则合市、县而为范围。

一 历史演变，递嬗无穷。兹编说至日寇退出杭州后数  
年为止。解放以后，万象更新，当俟重续。

一 杭州文献，浩如烟海。本编力所未逮，间及一二而已。

一 编者读书无多，见闻尤寡，谬误谅必百出，求大雅  
纠正。

一 编中所引，皆有所本，而未能一一注明，是为缺  
憾。

# 目 录

## 第一章 说名 ..... ( 1 )

### 第一节 浙江之得名 ..... ( 1 )

浙江为上古长江下流之一部，名曰南江，自今之皖南来，经本省长兴县之南，即有浙江之名。又东过崇德县之北，至嘉兴县之南，折西南，过杭州，至萧山，再折东南入海。因其一折再折，故有浙之名。郦道元《水经注·浙水篇》有浙江东至于御儿，浙江又东至于柴辟，又过永兴县北等语，即古代述浙江水道之书也。明乎古代浙江之水道，则春秋时吴越争衡之形势可得而明。而春秋时，杭州之属吴属越，无待辨矣。

### 第二节 杭州之得名 ..... ( 9 )

## 第二章 说陆地 ..... ( 11 )

杭州之地，古为大海。山脉何时出水，何时始有居民，无可考。唐尧之时，许由隐居武林山；春秋时，庆忌宅在今武林门内；越王之台在大慈山；伍员避难于塘栖；荀卿读书于良渚，是种传说，难可征信。可征信者，当自

秦始皇始。始皇东巡，自海盐至杭之临平，休息于胙湖，系缆于大佛头；登武林山，置泉唐县；又登秦望山以望会稽。此殆可信者也。汉武帝时，有轶终古，钱唐人，不知所居何处。其后有褚氏者，聚族于龙井之金钟峰下，是曰褚庄，亦曰褚家坎。有陆玮者，隐居灵隐之莲花峰下，筑堂曰九师。而华信亦筑塘于西湖之东。灵帝时，陈瑋为余杭令，大治南湖，而杭州西溪以北之汪洋巨浸，渐次化为洲渚。此又历史之可考者。晋代冯氏，凿井于皋亭山。西僧慧理，建寺于灵隐山。有范氏者，亦聚居于五云山之麓，是曰范村。此皆依山傍丘，未宅平原也。梁武帝之臣朱异，舍宅为寺，在湖墅江涨桥。同时鲍氏，亦舍宅为寺，即今武林门外之祥符寺。此为居平原之可考者。隋代迁州城于凤皇山，北端平原之地仅至钱塘门而止；西傍西湖；东则止于盐桥大河以西。其时凤皇山、吴山之东南，皆江也；自吴山之东而北，皆江滩也。越一百年，至唐武后时，此一带江滩，渐次成熟。州司马宋璟，始开三沙河以资灌溉。西即盐桥河，中曰茅山河，东即菜市河也。褚遂良故里，即在茅山河旁，是曰褚塘。想前此亦曾筑塘耳。然至穆宗长庆时，江湖犹泛滥至湖墅，浸及西湖。故白居易筑堤，自钱塘门外而北，以至今之武林门。又有石瑰者，筑塘以捍之，在今湖墅德胜坝。然至懿宗时，

潮水又奔逸入城，即越盐桥大河而西也。盖陆地虽已长成，而水患犹不免焉。又阅数十年，钱武肃筑罗城，自朝天门而东北，经今之城头巷、东清巷，直至艮山门；折而西，至武林门外；又折而南，至宝石山后之霍山。于是其中之陆地始奠定。其时凤皇山、吴山东南之江，亦淤为沙滩矣。钱武肃又筑塘捍海，自六和塔而东，至今之候潮门内；折而北，经箭道巷以至洋市街。然后城东南之陆地亦奠定。宋高宗建都，因得展拓其城，为东便、候潮二门。而今之望江门内一带陆地，则甫于此时出水，所谓绍兴时红亭沙涨也。至于西南四乡之地，定山本在江中，宋时犹半露于江；浮山则为江中之一岛，南宋以后，始为沙涨，今则平畴莽莽矣。若东北临平、乔司一带，则近二百年来，陆地始奠定，而免水患。

### 第三章 说山 …………… ( 25 )

山分二类。其一，自天目山发脉，经余杭、武康、富阳三县，分支入境而连绵不断者。其一，则为昔之岛屿，因沙涨而连于陆地，因之孤耸孑立，四无依附者。旧志将山之峰尖岩岭洞坞，一一分类记载，如记帐然，使人窥豹一斑，而迷其全体。《万历志》曰：“譬诸人之五官百体，一一分割，虽有西施，莫知其美。”斯言是也。本章仿游记体为之，以矫其弊。又旧志于山之广大，辄曰周若干里。夫四无依附



之山，可以测量得之。若连绵不断之山，何从分划？本章所不取。又旧志于山之方向，曰左曰右；或曰距某山若干里；或曰距县治若干里；均嫌稍恍，差毫厘可以谬千里也。本章依山脉而叙述，故其距离大略可知。或则曰与某山相望，则其方向又可知也。又旧志于山之高度，均曰若干丈，殆以估计而得之。本章以陆军测量局之图及民国二十年出版之西湖实测图为依据。虽间有参差，未尽准确，然较为有凭。

附 石

#### 第四章 说水 ..... ( 94 )

杭州大川曰钱塘江，巨浸曰西湖。钱塘之改道，与杭州土地极有关系，前志多未之及。志西湖之书甚多，然其范围，均不限于西湖，而说湖之处反略。兹章就湖言湖，期以补其缺焉。

##### 第一节 钱塘江... ( 94 )

- 一 江之名称
- 二 江流之改道
- 三 江岸之形势
- 四 江湖之为患
- 五 江湖激怒之原因
- 六 江湖之失信
- 七 江塘之建筑

##### 第二节 西湖..... ( 111 )

- 一 湖之名称

- 二 湖之成因
- 三 湖之面积
- 四 湖之浚治
- 五 湖中之建设
- 六 湖之风景
- 七 湖水之来源
- 八 湖水之去路
- 九 湖水之失常
- 十 湖中之物产

附 湖光  
湖船之形式

- 第三节 其他诸溪河 ..... (149)
- 第四节 其他诸湖 ..... (151)
- 第五节 泉 ..... (154)
- 第六节 井 ..... (162)
- 第七节 池 ..... (171)
- 第八节 潭 ..... (175)

第五章 说城邑 ..... (176)

秦始皇置县以后，县治之所在地可考，而城垣之范围无可考。隋代迁州之后，北部城垣之范围可考，南部山地城垣之范围无可考。吴越筑罗城以后，历代时有变更，然亦有无可考者，则从缺焉。

第六章 说坊巷 ..... (192)

城内坊巷之名，代有变更，然古代地名，遗留者尚多。近数十年来，乃经三大变：一为

城北大营之建筑，一为城东车站之建筑，一为城西旗营之拆卸，划为平地。坊巷为所湮没者以数十计。旧迹乃一无可考。本节以丁丙《武林坊巷志》为依据，而间有考订。清光绪以后之事，更增补之。

南宋时，居民稠密，环西湖皆为民居。今虽大半荒废，而巷弄之名犹有存者。此外若湖墅、江干，烟户繁盛，著名之街巷亦不少，故并及之。又有并非街巷而与历史古迹有关之地名，亦类及之。

## 第七章 说桥（缺）

丁氏《坊巷志》，桥本属于其中。然分言之，较为明晰。亦杭谚所谓“桥归桥，路归路”也。

## 第八章 说兵祸（缺）

自后汉献帝时钱唐大帅彭式称兵起，至民国丁丑岁日寇陷杭止，大小凡三十七次。其初史册简略，记载不详。或但为经过，兵祸不重。北宋方腊起义、南宋金兀术入侵，皆曾入杭。至明常遇春攻杭，清代咸丰、同治间杭州之攻夺，杭皆曾被兵。元九十五年，清二百六十八年，即日寇亦有八年，其间对汉人凌暴之事，皆附及之。其他与各兵事有连带关系者，亦附录于后。北宋徐冲晦，以杭州为善地，戒子孙世世不离。然至徽宗时，其言已不验。

## 第九章 说学校 ..... (271)

学校以施教育。昔之科举教育与后之学堂教育，绝不相同。科举久废，昔时教育情形，知之者渐鲜。学堂兴后，迄今亦数十年，其情形亦时有不同。本章但就所知者说之。

### 第一节 昔之学校 ..... (272)

- 一 初等学校
- 二 中等学校
- 三 书院及各种考试之情形

### 第二节 今之学校 (缺)

## 第十章 说火患 (缺)

杭州火患之多且烈，自昔著名。延烧十数里，焚毁百千家者，亦不止一次。本章根据清代汪师韩《韩门缀学》之《杭城火灾考》，及杨文杰《问心斋杂著》之《火灾补考》两篇，又从各书所见，及身所见闻者，陆续增补之。自唐代宗广德元年起，至民国二十五年灵隐罗汉堂毁止，凡二百数十次。其间火之烈者，所遗或无几。至于零星小火，殆仅百之一二耳。

## 第十一章 说风俗 ..... (305)

乡先辈范祖述氏有《杭俗遗风》一书。至清光绪以后，情形已渐不同。本章以其书为依据，参酌所见所闻之情形而增损之。

### 第一节 岁时 ..... (305)

### 第二节 婚姻 ..... (346)

- 一 作合之始

- 二 出地脚
- 三 缠红
- 四 下合
- 五 发奁
- 六 亮桥
- 七 拜堂
- 八 回郎
- 九 三朝
- 十 喜事后之余文
- 十一 赘姻
- 十二 耗亲、抢亲

### 第三节 丧葬(缺)

- 第四节 生子 ..... (377)
- 第五节 寄子 ..... (379)
- 第六节 生日 ..... (381)
- 第七节 阴寿 ..... (383)
- 第八节 迁居 ..... (384)
- 第九节 杂记 ..... (386)

一 房屋

二 仆人

## 第十二章 说工商业(缺)

杭州工商业，向有三百六十行之说。行之名，始于南宋。三百六十行，殆为古代之分类，今则无有能列举其名者，故以其业之相同者类列之。通商以后，新工商业勃兴。本章说其著者。

### 第十三章 说祠庙寺观（缺）

此类多不胜说。然析之可分六类。各说其著者。

- 一 属于神道、神话者
- 二 属于崇德、报功者
- 三 属于道教者
- 四 属于佛教者
- 五 属于回教者
- 六 属于基督教者

### 第十四章 说古迹（缺）

古迹多不胜举，兹仅说其大者、著者，而以能确指其所在地者为准。

- 一 吴越以前之古迹
- 二 两宋之古迹
- 三 元明之古迹
- 四 清代之古迹

### 第十五章 说园林别墅（缺）

湮废已久者，归之古迹类。其现存者，及新湮废者，皆说于此。

### 第十六章 说事（缺）

日食星变，地震山崩，蜃楼海市，昔之人无不以为怪异。自天文、地理、气象各种科学发明，而怪者不怪矣。本章叙说杭州各事，而神鬼怪异者亦列其中，匪曰提倡迷信，亦冀如日食星变等之有以明其故而发其复耳。

- 一 属于政事者

- 二 属于慈善救济者
- 三 属于个人者
- 四 属于鬼神怪异者
- 五 琐事

## 第十七章 说语言（专以城市为主）……………（391）

杭州为南宋所都，其后又为历代省会，五方杂处，语音久已相杂而融会。欲辨其何者确属于杭州，何者不属于杭州，殊有未能。且语音之中，有其音而无其字者，更有求一同音之字以为假借而不可得者。本章但就杭人所习用者而说之。其有音无字者，则以同音之字假借之。并同音之字不可得者，则用切音而加以说明。

## 第十八章 杂说（缺）

凡属于杭州而无类可归者，皆隶于此。

## 附 录

### 四十年学校之见闻……………（433）

# 第一章 说 名

## 第一节 浙江之得名

杭州属浙江省，又南濒浙江。故我说杭州，先说浙江。

浙江之得名有四说：

一说 浙江上流受婺、衢、歙三港之水。水出两山间，盘回百折，故曰浙。按：此为燕肃之说。但凡诸大水之上流，无不屈曲于群山之间。何以兹水独以浙名？理由似欠确。

一说 钱塘江口，浙山正居其中。潮水投山下，折而曲，故曰浙。所谓浙山，盖赭山也。按：此为虞喜、卢肇、祝穆诸人之说。然龛、赭二山间，古谓之海门，海潮至此反折。此特口门外一部分之事，即以名其上流之全体，似未必然。

一说 因其中一部曲折如“之”字，故曰浙江，且有称之为之江者。按：此说创自钱维善。元代后至元元年省试《罗刹江赋》，锁院三千人，独维善据枚乘《七发》，辨钱塘江为曲江，与主试者意合，由是得名，自号曲江老人。于是众口一词，以浙江即为曲江矣。不知核其实际，乃大不然。



浙江之名，春秋时已有之。而此“之”字三曲之形成，则宋以后之事也。宋以后始有此三曲形，而谓春秋时已预锡此嘉名，宁有此理耶？考今日钱江三曲之地，在富阳、杭县、萧山三县之间，以袁家浦一带之沙嘴尖锐向东伸展；又以钱江大桥南端萧山县之钱江站及鲑鱼嘴一带之沙地，弧形向西扩张，因而构成如此之三折形。但宋以前，江流之势，并不如此。袁家浦之西有浮山，宋时尚在江中。浮山之西有定山，其先亦在江中，宋时尚突出江中数十丈，江涛至此辄抑，过此又雷吼霆奋，故以“定”名。苏轼《乞相度开石门河状》奏议曰：“潮自海门东来，势若雷霆。而浮山峙于江中，与渔浦诸山，犬牙错入，以乱潮水。洄状激射，其怒自倍。沙碛转移，状如鬼神。往往于渊潭中涌出陵阜十数里。旦夕之间，又复失去。虽舟师没人不能前知其深浅”。观此数语，则可知当时定山以东尖锐之沙嘴，与渔浦以西弧形之沙地，两皆无有，渺渺荡荡，纯属江水。则所谓“之”字形者何自而来？所谓曲江者更何自而来？而浙江因此得名之说，不攻而自破矣。

一说 江自太湖来，大势南流，绝钱塘江，复折而东，其形方折，故曰浙。所谓江，盖长江也。按：此说出于晋灼，而清代阮元宗之。其解“折”字最为明确。折者方折，与其他水流之弯曲者不同。惟谓水自太湖出，似未合理。地势南高北下，不能倒流也。且仅仅向东一折，亦不足以尽之。

然则其说应如何？曰：浙江者，古南江之下流，自今之皖南来，经长兴、安吉两县之间，过崇德县北，至嘉兴县境，折而西南，经杭州，至萧山，再折而东，以入海。其水不自